

محل مطبعه و اداره :

جفبال اوغلانده امنيت

صندوقى جوارنده

شنگول يقوشنده

۲۲ نومرو

مستطابق

اضطار :

مسلكمزه موافق آثار

جدیده مع الممنونیه

قبول اولنور

درج ایدلمهین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاست ، احوال و شؤون اسلامیه در بحث ایدر و هفته ده بر نشر اولنور .

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیرسه سنوی

۲۰ غروش فضله آلنیر

ممالک عثمانیه ایچون	سنه لکی	التی آیلنی	غروش
روسیه	۶۵	۳۰	۳۰۰
سائر ممالک اجنبیه	۱۷	۹	فرانق

بشنجی جلد

۲ شوال پنجشنبه ۲۳ ایلول ۳۲۶

عدد : ۱۰۹

نظر شریعتده

قوة بریه و بحریه نك رربه اهمیت ووجوبی

بچن نسخه دن مابعد

یوقاریده عرض ایلدیکم آیات جلیله واحادیث شریفه و افعال نبویه واجماع وافعال صحابیهدن عبارت ادله شرعیهدن غایت واضح صورتده استنباط اولنیورکه : زمانه کوره بالعموم تقرعاتیله اعدانك قوتی فوقنده ویاخود اكا معادل قوة بریه و بحریه احضار واعداد ایتك واسباب مادیة جهاده تمامیله توسل ایلمك بتون اهل اسلام اوزرینه فرضدر خصوصیه بو عصرده جمله اوزرینه فرض عیندر : فقهاء کرام حضراتی دیورلرکه : اعدا جانبدن بالفعل محاربه قیام اولغدینی تقدیرده کرک بدنا و کرک مالا جهاد اهل اسلام اوزرینه فرض کفایه در . فقط ممالك اسلامیه نك بر قطعسه اعدا طرفدن بالفعل هجوم وقوعبولدنی صورتده اعدا ایله بالفعل محاربه قادر اوله بیله جك مقدارده مملکتلری اوموقه جوار اولان اهل اسلام اوزرینه جهاد فرض عین ، ومملکتلری موقع حربه بعید بولنان اهل اسلام اوزرینه فرض کفایه در . یعنی مثلاً ادرنه جهتدن اعدا هجوم ایلدیکی تقدیرده اوراده بولنان اردو واهالی اعدایه غالب کله بیله جك درجه ایسه ابلره جهاد فرض عیندر . یعنی عمومیتله اذر شرعاً جهاده مجبوردرلر . وینه بوصورتده ادرنه بعید اولان مناستر ، ازمیر ، یانیه ، قونیه ، بروسه ، انقره ، حلب ، شام ، بغداد ، یمن ، ارضرومده بولنان اردو واهالی جهاد فرض کفایه در . یعنی بو مملکتلر اهالیسندن بعضیلری هر حالده ادرنه کیده رک محاربه اشتراکه شرعاً مجبوردرلر .

لکن اعدانك هجوم ایلدیکی موقع اهالیسی اعدایه مقابله ایده میه جك درجده ایسه لر هم اوموقع اهالیسنه و همده اوموقعه جوار اولان مملکت اهالیسنه ، وانلرده مقاومت ایده میه جك ایسه لر دیگر یقین اولان ممالك اسلامیه اهالیسنه ، انلرده مدافعه ایده میه جك اولورلرسه شرقاً وغرباً بتون اسلاملر اوزرینه علی التدریج جهاد فرض عیندر . یعنی صورت مذکورده ادرنه بولنان اردو واهالی اعدایه مقابله ایده میه جك ایسه لر مناستر ، ازمیر ، یانیه ، قونیه ، انقره ، حلب ، شام ، بغداد ، یمن ، ارضروم وبتون ممالك اسلامیه اردولری واهالیسی اوزرینه علی التدریج محاربه فرض عین اولور . واکر انلرده مقابله ایده میه جك اولورلرسه شرقاً وغرباً کره ارضده بولنان بتون اهل اسلام اوزرینه محاربه فرض عین اولوب جمله اعدا ایله محاربه ایتکه شرعاً مجبوردرلر . شو حالده صورت مذکورده کرک ادرنه اهالیسی وکرک سائر ولایات اهالیسی وکرکسه شرقاً وغرباً کره ارضده بولنان اهالی اسلامی بدنا ویا مالاً اعدا ایله محاربه ده تکاسل کونستره رک حکومت اسلامی نك مغلوبیت ویا یوسبتون انقراضه سببیت ویرلرله جمله سی آدم اولدرمك ، خنزیرانی یمك ،

شراب ایچمك ، والده سیله زنا ایتك کبی پك بیوک کنه ارتکاب ایتش ، و جمله سی خالق تالییه عصیان ایلش اولورلر . شو حالده بو عصرده حکومت اسلامی و دولت عثمانیه نك قوة بحریه جه دوچار اولدنی ضعفیدن تخلصه چاشمق بوتون اهل اسلام اوزرینه فرض عیندر . چونکه اعدایه مقابله ایده جك درجده زرهل تدارک واشتراسنه یالکز بر کوی ، برقصه ، بر ولایت ، اهالیسنك قوة مالیله کفایت ایده میه جکندن بتون ولایات وقصبه وکوی اهالیسی بوباده اعانه ویرمك ، وحتی هندده ، چینده ، روسیه ده وانگلترده افغانستانده بولنان بالجمله اهالی اسلامی یاردمده بولمق شرعاً لازمدر .

شوراجقده بر فرقه سی افراط ، دیگر فرقه سی تفریط صورتیله شرع شریفی یا کلیش تلقی ایلیان ایکی فرقه جمله نك فکرنده تمرکز ایتکده بولنان زعم باطلی رد ایتك استیورز .

اهل اسلامدن بر فرقه سی : (بزاسلاملر طوغرو ، خالص اعتقاد اصحابی اولدقدنصره اعدانك قوتنه معادل دکل ، آنك پك دوننده بولنان قوة بحریه و بریه ممالك اولسحق واسباب ظاهره مادییه نشبت ایلسمه بیله ، الله تعالی نك عنایتیله اعدایه غالب کلیرز . وحتی قوماندانلری صاعلام اعتقادده اولسه لر حال حاضرده ممالك اولدینمز بوقدرجتی قوة بحریه و بریه بزه کافیدر . بونکله اک قوتلی دولته وحتی بتون اوروپا دولترینه عون سبحانی ایله غالب کلیرز . بزم ایچون فضله قوت احضارینه واسباب مادییه توسله حاجت یوقدر . الله تعالی نك عنایتی بزه کافیدر .) زعمنده بولنیورلر .

حقایق شرعییه اصلا وقوفی اولمیان ومبالات دینییه سی بولنمیان جمله وفسقه کروهندن بر فرقه سی ده : یا مجرد جهانتدن یاخود دین مبین اسلام عداوتندن ویاخود اهل اسلامدن بعضیلرنده تمرکز ایتش اولان زعم مذکور دین مبین اسلام طرفندن ویرلش اولدینقی ظن ایلدیکندن طولانی (دین اسلام مانع ترقی در) زعم باطلنده بولنیورلر .

شو ایکی فرقه نك اشبو زعملری رد ایچون دیرزکه : (اولاً) - سورة انفالک ایتش ایکنجی آیت جلیله سنده که (واعدوا) امر جلیلی ایله اعدایه مقابله ایچون انلرک قوتی فوقنده قوة بحریه و بریه احضار ، واسباب مادیة جهاده توسل واجب قلندینی ، ثانیاً - فخر عالم افندمرک هجرتدن اعتباراً بالفعل قوت احضار واسباب جهاده توسل ایلدیکی وحتی احد محاربه سنده وجود شریفه زره کیدیکی ، ثالثاً - بوخصوصه پك چوق احادیث شریفه ایله اهل اسلامی ترغیب و تشویق ایلدیکی ، رابعاً - صحابه کرام حضراتنك اعدایه مقابله ایچون انلرک قوتی فوقنده بالفعل قوت احضار واسباب مادییه تشبث ایلمکه برابر بوخصوصه اجماع و اتفاق ایتلری ، خامساً - فقهاء عظام حضراتنك (اهل اسلام اوزرینه مالا و بدنا جهاد فرض عین ویا فرض کفایه در) دیملری بوایکی فرقه نك زعملری

رد وابطال ایتمکه کافدر . چونکه سرد ایلیکمز بونجه دلائل شرعیه دین مبین اسلام یالکیز مغویاتدن عبارت بر دین اولیوب مادیاتی ده جامع بولندیغنی و مغنویات کبی مادیاته توسل لازم اولدیغنی کوسترمکده در .

اشبو دلائل و براهین شرعیه بومسئله بی کونش کبی آشکار اوله رق کوسترمکده ایکن فرقه اولانک تفریط و فرقه ثانیه نک افراط ایدرک زعمی مذکورده واقع اولملری جهالت و یا جنتدن بشقه برشی دکلددر .

بمحمزه رجوع ایدلم . یوقاریده عرض ایلیکم سلسله تاریخیه بزره غایت واضح اوله رق کوس-تریورکه خلفاء امویه دن عبدالمک و خلفاء فاطمیه دن بنی الحسن خلفاء عثمانیه دن قانونی سلطان سلیمان زمانلرنده اولدیغنی کبی حکومت اسلامی هر نه زمان عطالت و سفاهتی ترک ایدرک قوه بریه و بحریه سنی درجه کاله ایصال ایلدی ایسه آوروپالیرلی تیتیش و جهانگیرلک درجه سینه صعود ایتشددر . مصرده دولت فاطمیه نک ، اندلسده دولت امویه نک ، بغدادده دولت عباسیه نک صوک زمانلرنده واستانبولده دولت عثمانیه دن عبدالحمیدک زمانلرنده اولدیغنی کبی حکومت اسلامی هر نه زمان عطالت و سفاهته طاله رق قوه بحریه سنی ضایع ایلدی ایسه بو ضیاع قوه بریه لرینی دخی تأثیرسز براقش اولدیغندن اعدا جانبدن وقوعبولان تعرض اوزرینه محو و منقرض اوله رق مملکتلری تقسیمه اوغرامشدر .

عبدالحمید زمانلرنده حکومت عثمانیه عینله مرض مذکوره مبتلا اولدیغنی ایچون بوتون بوتون آوروپالیرلک بویوندیری الته کیره رک العیاذبالله مملکت تقسیمه اوغرامق درجه سینه کلش ایکن دور مشروطیتک حلولی آوروپالیرلک بو آرزولری اوکنه بیوک برسد چکمش اولدی . ارتق تایلک تشککدن زمانمزه قدر حکومت اسلامی نک کچیرمش اولدیغنی بونجه انقلابات بزم ایچون (ترقی و تدنی) طریق لرینی کوسترمکده بیوک پک بیوک بردرس عبرت تشکیل ایتزمی ؟ شمدی ایسه له الحمد دور مشروطیته نائلیتله بز عثمانیلر ایچون تکرار ترقی طوغری حرکت زمانی کلش اولغله اولاتوارخ اسلافزی نظر امعاندن کچیره رک ثانیاً شو صوک زمانلرده آوروپالیرلک عقلره حیرت ویره جک و کوزلری قماشدیره جق درجه لرده ترقیلرینی تفکر ایدرک حکومتک دوشمش اولدیغنی حسیض نقصانیت وضعیتدن حرکتله آاز زمان ظرفنده ذروه تکمله صعود و ارتقاسی چاره سینه بقالم .

بونک چاره یکانه سی شقاق و نفاق ، عطالت و سفاهتی براقه رق اولانجه وارلغمز ایله قوه بحریه مزلی احیاء واکاله سعی ایتمکدر . چونکه قوه بحریه و بریه بر حکومتک ایکی قتادی مثابه سنده در . ایکی قتاده مالک اولان بر قوش ایستدیکی کبی طیران ایدرک مطلوبنه واصل اولدیغنی کبی بو ایکی قوته مالک اولان بر حکومت دخی بو سایه ده مقصودینه نائل اولور . بر قتادلی قوش مطلوبنه واصل اوله مدینی کبی بو زمانده قوه بحریه مالک اولیان حکومت دخی اعدانک اسارتی

تحتدن قورتیله میه جنی جهته اصلا تعالی و ترقی یه نائل اوله ماز . ایدمی ای عثمانیلر ای اسلاملر حکومتی تعالی و ترقی ایتدیرمک آوروپالیرلک اسارتندن قورتلمق و سربستی کامله نائل اولمق ایستور . سهق قوه بحریه مزلی یقین زمانده تکمل ایتدیرمکه چالشلم . سلطان سلیم ثانی زمانلرده حکومتک همتی و اهالینک غیرت و یاردمیه بر قیش موسمندن یازده قدر (۱۵۰) قطعه سفینه حریه انشا ایدن اجدادمزک اثرینه کیده لم آنلر کبی سفائن حریه مزلی کندیمز انشا ایده میورز ، باری اشتراسی ایچون (اعانه) ویره لم . چونکه بو خصوصه اعانه ویره مک مادی و مغنوی فوآدی واردر .

مادی فائده سنی عرض ایلک . مغنوی فائده سینه کلنجه حکومتک قوه بحریه شهتلی احتیاجی اولدیغنی کبی بو یوزدن مملکتک منافع کثیره یه نائل اوله جنی دخی محققدر . دیمک اولیورکه بو جهت بر امر خیردر حالبوکه س-وره مائده نک (و تعاونوا علی البر و التقوی = امر خیر و تقوایه معاونت ایدیکز) اوچنجی آیت جلیله سیله امور خیره دن اولان جهته (معاونت) ایتک اوزره جمله مز مأمورز . اعانه بحریه ده بولمخله امر الهی بی ایفا ایتش اولورز ،

برده قوه بحریه نک تکملی ایچون اعانه ویرن و یاردم ایدنلر نظر شریعتده اجر و ثوابه نائلیتده فی سبیل الله جهاد ایلان مجاهدلر درجه سنده در . چونکه فخر عالم افندمز (قیل یار رسول الله ای الناس افضل فقال مؤمن یجاهد فی سبیل الله بنفسه و ماله = عند سبحانی ده ناسک افضل نفسیه ، ماله فی سبیل الله جهاد ایلان مؤمن در) و (من جهز غازی فی سبیل الله فقد غزا = فی سبیل الله محاربه یه کیدن برغازینک کرک آز و کرک چوق اسباب سفرینی تهیئه و احضار ایدن واکا اعانه ده بولنلن کیمسه الله یولنده غزا و جهاد ایتش کیدر . یعنی اسباب سفرینی احضار ایلدیکی غازی نک نائل اولدیغنی درجه ده اجر و ثوابه اودخی نائل اولور »

(و) من جهز غازی حتی یستقل کان له مثل اجره حتی یموت او یرجع = یالکیز باشنه برکیمسه فی سبیل الله محاربه یه کیدن برغازینک اسباب سفرینی حاضر لارسه اولنجه یه و یا خود محاربه دن عودت ایدنجه یه قدر او غازی نک نائل اولدیغنی درجه و ثوابک مثله او کیمسه دخی نائل اولور) و (من اعان مجاهدا فی سبیل الله فی عسرتة اظله الله فی ظله یوم لا ظل الا ظله = برکیمسه الله یولنده محاربه ایدن بر مجاهده احتیاجی بولندیغنی زمان اعانه ایدرسه حق تعالی حضرتلری عرش اعلا سنک کولک سندن بشقه کولکه بولندیغنی کونده ، قیامت کونده او کیمسه بی کولکه لندیرر) اشبو احادیث شریفه ایله عساکر اسلامی بی تجهیز و طوب ، توفک ، سفائن حریه و سائر آلات و اسباب جهاددن معدود اولان هر شیرلی تدارک خصوصلرنده مال ایله اعانه ده ، رأی ایله دلالتده بولنلن کیمسه لر اجر و ثوابده فی سبیل الله بدنأ محاربه ایدن مجاهدلر درجه سنده اولدیغنی بیان بیورلمقده در .

برده دونما ایچون اعانه ویرمک دین مبین اسلام نظرنده تطوعاً حجازه کیتمک ، نافله اوله رق فقرا یه صدقه ویرمکدن خیرلوردر . چونکه فقهاء کرامدن (ابن عابدین) دیورکه : قره قول خانه ، طابیه ، استحکام

صالح اولہ رفق دور دقہ او کیمسہ لڑک دفتر اعمالی قیامیوب دائماً اعمال مذکورہ لریٹک ثوابی یازیلور .

شو حالده بر کیمسہ دونمایدہ اعانہ ایچون اون پاره ویروبده اشترا اولان برز رهیلدن او کیمسہ نک اون پاره سی مقابلندہ بر حیوی اصابت ایلسہ اوزرہلی محاربه ده استعماله قابل اولوب او حیوی دخی آندہ بولند قیچہ کرک حال حیاتندہ کرک حال نماتندہ او کیمسہ بالفعل محاربه ایدرجه سنے علی الدوام اجر و ثوابه نائل اولور . چونکہ زرہیلده کی او حیوی او کیمسہ نک صدقہ جاریہ سی دیمکدر . چوق زنگینلر من و ارکہ اوزرلرینہ فرض اولان حج شریفی ایفا ایلد کندن کرہ ایکی اوروج ، دورت ، بش التی ، حتی یدی دفعہ زیاده اجر و ثوابه نائل اولمق ایچون حجازہ کیدیورلر . حالبوکہ آنفاً ابن عابدیندن نقل ایلدیکم مسئلہ فقہیہ بوزمانده دونمایدہ اعانہ ویرمہ نک ثوابی تطوعاً حجازہ کیمسہ نک ثوابندن فضلہ اولدینغی بیان ایلدیکم کی دونمایدہ اعانہ ده هر سنہ تطوعاً حج ثوابی بولندینغی دخی بیسان ایلمکده در . بناءً علیہ فضلہ ثواب ارزو ایدن زنگینلر تطوعاً حجازہ کیمسہ نک ايسہ دونمایدہ اعانہ ویرمیلدر . فخر عالم صلی الله علیه وسلم افندمن (مامن اهل بیت لا یغزو منهم غازو یجهز غازياً بسک او بابرہ او مایعدلها من الورق الا اصابهم الله بقارعة قبل یوم القیامہ) — بر عائله و بر فاملیا خلقتندن بر کیمسہ فی سبیل الله محاربه یه کیدوب اعدا ایلہ جهاد و غزایمیز ، ویا ازلردن بری بر ایملک ، یا بر ایکنه و یا خود بوکا معادل بر یپراق پارچه سیله فی سبیل الله محاربه یه کیدن بر غازی بی تجهیز واکا اعانہ ایلمنز ايسہ یوم قیامتندن اول عند سبحانیدن او عائله او فاملیانک باشنه بر بلاه عظیم اصابت ایدہ جکدر) حدیث شریفیله امور جهادده بدناً و مالاً اعانہ و یاردیمده بولنمیان حیتمسز کیمسہ لر دنیاده مصیبت عظیمیه دوچار اوله جقلرینی بیان بیور یور . بناءً علیہ مملکت و مملکت صوک درجه دونمایدہ احتیاجی بولندینغی شو زمانده پاره ادخار ایدوبده دونما اعانہ سی ویرمیان بعض زنگینلر بیلمش اولسونلرکه ملت نظرندہ انلر حیتمسز عد اولنه جقلرنی کی حدیث مذکور مفاد نجه طرف سبحا - نیدن انلرہ پک بیوک بر بلا اصابت ایدہ جکی محققدر . الحاصل بویله بر زمانده دونمایدہ اعانہ ویرمینلر شرعاً ، عقلاً ، عادةً مذموم و حیتمسز درلر .

فاتح درس عاملرندن اسکلیلی

محمد عاطف

محمد عاطف

ماردینی عبدالسلام افندی

علوم آلیه و عالیہ عربیه نک هر شه سیله تاریخ و سائرہ کی علوم متنوعده تالیف ایتدیکي آثار عدیده سیله اثبات فضل و کمال

سفینه حربیه کی امور جهادندن محتاج اولنان شیرلی بناوتدارک ایتمہ نک ثوابی تطوعاً حج ، کیمسہ نک ، نافه فقیرہ صدقہ ویرمہ نک ثوابندن دها زیاده ، دها فضلہ در . زیرا ناسک اشدا احتیاجی اولان و منفعت عمومیہ یی حاوی بولنان بر خصوصی وجودہ کتورہ نک بر قاج فقیرک احتیاجی دفع ایتمک کی منفعت عمومیہ یی متضمن اولمیان جهتندن البته خیرلوردر .

فقط زکات ، فطره کی فرض و واجب اولان صدقاتی امور جهادده صرف ایتمک جائز دکلدز . چونکہ (ملتی و داماد) ده دیور که (مسجد ، مدرسه ، مکتب کی امور خیریه یی و کوپری ، قره قول خانه سفینه و سائرہ کی امور جهادیه یی وجودہ کتورمک ایچون زکات و فطره کی تملیک و قبض فقیرہ محتاج اولان صدقاتی صرف ایتمک جائز دکلدز . لکن داماد افندی دیور که : بوجه تله زکات و فطره نک صرف اولنمی دخی ممکندر شو یله که : بر کیمسہ زکات و فطره سنی اولا بر فقیرہ ویرمی ، ثانیاً او فقیرہ زکات و فطره دن آلدینی پاره یی مثلاً دونما اعانہ سنے صرف ایت دیو امر ایتلی . اگر فقیر کندی اختیار یله او پاره یی دونما اعانہ سنے ویررسه هم فقیر و همده او کیمسہ ثوابه نائل اولدینغی کی او کیمسہ زکات و فطره سنی دخی ایفا ایتمش اولور .

بناءً علیہ بعض جهلہ نک اکلا دقلری کی دونمایدہ کی امر خیره طوغریدن طوغری یه زکات و فطره نک صرفی جائز اولدینغی مسئلہ مذکورہ پک صریح صورتده بیان ایتمکده در .

اشبو عرض ایلدیکم احادیث شریفه و مسائل فقہیہ کمالیله اکلا شد - قدن صکره ایمدی ای اسلاملر سزه پک بیوک مژده لر ویره جکز ، غایت قولای عمل ایلہ پک بیوک ثوابه نائلیت یوانی او کره ته جکز : اولر یکزده او تور دیغکز حالده دائماً جهاد ایتمک و هر سنہ تطوعاً حج ایلمک و هر زمان فقرا یه صدقہ ویرمک ثوابنه نائل اولمق ایسترمیسکز شو صروده حکومت و مملکتک اک زیاده محتاج اولدینغی قوه بحریه یی اکمال ایچون دونمایدہ اعانہ ویریکز . زیرا بوزمانده دونمایدہ اعانہ ویرمک اعدا ایلہ فی سبیل الله جهاد ایتمک درجه سنده ثوابدر . چونکہ یوقاریده عرض ایلدیکم احادیث شریفه بزه بونی بیسان ایلمکده در . بوزمانده دونمایدہ اعانہ ویرمک هر سنہ تطوعاً حج ایتمک و هر زمان فقرا یه صدقہ ویرمکدن دها زیاده ثوابدر . چونکہ ابن عابدین دن نقل ایلدیکم مسئلہ فقہیہ بزه بو خصوصی غایت واضح اوله رفق کو ستر مکده در . بوزمانده دونمایدہ اعانہ دائماً حج ، دائماً جهاد ، دائماً صدقہ مثابه سنده در . چونکہ بو خصوصه اعانہ صدقہ جاریه و خیر دائمی در .

فخر عالم افندمن بیوریور که (وفات ایلدکدن صکره هر انسانک دفتر اعمالی قیامور ، یالکز اوچ کیمسہ نک دفتر اعمالی قیامور : بریسی اولد کندن صکره صالح اوغلی ویا صالحه قیزی قالان ، دیکری تالیف ایلدیکم نافع بر کتابی قالان ، اوچنجی ده مسجد مدرسه ، مکتب ، کوپری ، چشمه کی بر صدقہ جاریه و خیر دائمی براقان کیمسہ لر در . اوغلی و قیزی صالح حال اوزره بولند قیچہ ، تالیف ایلدیکم کتاب و یابدیرمش اولدینغی مسجد ، مدرسه ، مکتب ، کوپری ، چشمه انتفاعه